

# Pterosauria

Na Galipedia, a Wikipedia en galego.

Os **pterosauros**<sup>[2]</sup> ("lagartos alados") son un grupo de réptiles voadores que existiron durante a Era Mesozoica. As súas ás estaban formadas por unha complexa membrana sostida polo cuarto dedo da man, que estaba hipertrofiado. O seu corpo estaba cuberto de pelo, preservado en fósiles de polo menos tres especies distintas.

Os fósiles máis antigos de pterosaurios coñecidos pertencen como mínimo ó Triásico tardío. O máis antigo chámase *Eudimorphodon*. É de pequeno tamaño, cola con extremo en forma de rombo, e dentes puntiagudos en ambas as dúas mandíbulas.

Os primeiros pterosaurios, desenvolvidos entre o Triásico serodio e principios do Xurásico, eran similares ó *Eudimorphodon*; de pequeno tamaño, rabo longo, e dentes (como o *Rhamphorynchus*, que tiña dentes que pechaban en forma de trampa).

Xa para o Cretáceo se diversificaran en varias formas: algúns sen cola e sen dentes (como o *Pteranodon*), outros do tamaño dun avión da Primeira Guerra Mundial (como *Quetzalcoatlus*, a criatura voadora máis grande coñecida), numerosos con cristas (como *Dsungaripterus* e *Pteranodon*), e outros con outras características (como o *Ctenochasma*, que asemellaba unha garza e filtraba plancto por medio dos seus finos dentes).

Aparentemente, os pterosaurios perderon moita da súa diversidade antes de concluír a Era Mesozoica. Só se coñece unha especie que existise no momento da grande extinción masiva do Cretáceo: *Quetzalcoatlus northropi*.

## Notas

- Andres, Brian Blake (2010). "A review of pterosaur phylogeny". En Martill, D., Unwin, D., & Loveridge, R. F. (eds). *The Pterosauria*. Cambridge University Press. ISBN 9780521518956.
- "Pterosauro". *Digalego.xunta.gal*. Consultado o 9 de agosto de 2019.

## Pterosauros

**Rango fósil:** Triásico - Cretáceo



*Geosternbergia sternbergi*

### Clasificación científica

**Reino:** Animalia  
**Filo:** Chordata  
**Superclase:** Tetrapoda  
**Clase:** Sauropsida  
**Subclase:** Diapsida  
**(sen clasif.):** Archosauria  
**Orde:** **Pterosauria**  
 Kaup, 1834




Distribución dos fósiles de pterosauros.

### Subgrupos<sup>[1]</sup>

- **Suborde** *Eopterosauria*
  - *Preondactylia*
  - **Clado** *Eudimorphodontimorpha*
    - *Eudimorphodontia*
- **Suborde** *Macronychoptera*
  - *Dimorphodontia*
  - *Novialoidea*



Wikimedia Commons ten  
máis contidos multimedia  
na categoría:  
***Pterosauria*** 



Wikispecies posúe unha  
páxina sobre:  
***Pterosauria***

---

Traído desde "<https://gl.wikipedia.org/w/index.php?title=Pterosauria&oldid=5219347>"

---

**A última edición desta páxina foi o 9 de agosto de 2019 ás 10:06.**

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.